

VIA-SAKRA TINAN C

(Estasaun 5 tuir Domingu 5 Kuarezma nian)

Introdusaun

Ho Via Sakra ita ba la'o tuir etapa balun Jezús nia dalan ba Páskua mate no moris-hi'as nian. Pasajen husi Evanjellu Domingu Kuarezma nian mak sei gia ita, nune'e mós orasaun koleta ne'ebé Kreda ho autoridade tulun atu lee mensajen husi Maromak nia Liafuan iha domingu. Ita hahú ho koleta, hafoinrona Liafuan no komentáriu badak, nu'udar eko orasaun nian, no taka pauza ida-idak ho invokasaun badak perdaun no hahí nian.

Knananuk

Estasaun dahuluk no Domingu dahuluk

Manán tentasaun sira

G/A. Na'i ami-nia Maromak,
rona Kreda nia lian ne'ebé invoka Ita
iha dezeru mndu nian
lolo Ita-nia liman iha ami leten,
atu hodi habosu an ho ai-han husi Ita-nia liafuan
no hetan kbiit husi Ita-nia Espíritu,
ami manán ho hadera an no ho orasaun
buat aat nia babeur hotu.
Hodi Kristu ani Na'i

RONA LIAFUAN

Husi Evanjellu Lucas nian

«Nakon ho Espiritu Santu, Jezús husik Jordao. Espiritu lori Nia ba rai fuik maran. Iha ne'ebá Nia horik iha loron haat nulu laran. Diabu babeur Nia (...) Koko tiha dalan oi-oin atu babeur Jezús, diabu husik Nia to'o loron seluk».

REFLESAUN

Na'i ami-nia Maromak, ami husu atu rona mós ami lian, nu'udar parte ki'ik-oan ida Kreda ninia invokasaun nian: ami tene Ita atu lolo Ita-nia liman iha ami leten nune'e ami-nia dalan mós lori ami ba dezertu, hodi koko oinsá oinsá ami-nia relasaun sira maran, oinsá ami sente mesak, oinsá mós Ita-nia lian sai silénsiu, ka anin ne'ebé huu nafatin, la husik ami dada iis, la lroi mensajen ida konfortu no konsolasaun nian.

Ami preziza atu habosu an ho paun Liafuan nian, paun ida ne'ebé Ita tenke silu atu ami bele

koko no hetan iha nia kbiit atu hatán ba buat Aat, ne'ebé hakarak ami triste no la haksolok, dook husi Ita no husi ema ne'ebé iha ami nia sorsorin, no moris ho ta'uk, lahó kbiit atu sai hasoru moris.

ORASAUN

L. Na'i, Ita ne'ebé hateten ba demóniu «Hakerek nanis ona: "Ema la moris de'it ho ai-han"».

Hotu SADIA AMI

L. Na'i, Ita ne'ebé hatán ba babeur-na'in: «Hakerek nanis ona: "Ó sei adora de'it ó-nia Na'i, ó-nia Maromak"».

Hotu SADIA AMI

L. Na'i, ne'ebé fó hanoin ba Satanás «Dehan nanis ona: "Ó keta babeur ó-nia Na'i, ó-nia Maromak"».

Hotu SADIA AMI

Knananuk

Estasaun daruak no Domingu daruak

Transfigurasaun... Kristu no sarani nian

G/A. Maromak boot no fiél,
ne'ebé hatudu ita futar oun ba sira ne'ebé buka ho fuan sinseru,
hametin ami-nia fiar iha mistériu krús nian
no haraik mai ami fuan mamar ida,
atu nune'e hodi hakohak ho domin Ita-nia hakaran
ami tuir nu'udar Kristu Ita Oan nia dixípulu sira.

RONA LIAFUAN

Husi Evanjellu Lucas nian

«Jezús lori Pedro, João no Tiago hamutuk no Nia, hodi sa'e ba foho ida atu harohan. Nia sei harohan hela, nia oin nakfila an; nia unuk nabilan teb-tebes. Teki-teki mane na'i rua mosu mai, koalia ho Nia: sira mak Moises no Elias, ne'ebé mosu ho kmanek wa'in; sira koalia kona ba mate ne'ebé Nia sei hetan iha Jerusalem. Kalohan ida mosu mai hodi falun sira. Wainhira sira tama iha kalohan laran, sira tauk. kalohan, lia ida dehan: "Ida ne'e mak ha'u nia Oan doben; imi rona Nia ba!"».

REFLESAUN

Maromak boot no fiél, orasaun hanorin atu bolu Ita-Boot nune'e. Boot tanba fiél; iha dezertu

mís ita akompaña Jezús nia dalan, Nia ne'ebé ita konsagra iha Jordão hodi haruka Espíritu ba Nia.

Maromak boot no fiél, ita ko'alia ba Ita-nia Oan nia dixípulu sira no konfirma katak sira tuir dalan ne'ebé loos. Hanesan bibi sira ne'ebé husik atu Bibi-Atan di'ak gia sira no ho Nia to'o iha duut sira moris foun nian.

Ami mós presiza komprende Ita-nia liafuan atu la'o iha dalan santidade nian no haksolok ho ita futar oin nia fafurak, oin ne'ebé apóstolu sira de'it mak iha momentu ruma haree iha Ita-nia Oan halo an ba ema nia oin ne'ebé nakfilak, no kontinua buka mós bainhira oin ne'e terus no mate hasai ninia furak.

ORASAUN

L. Na'i, Ita ne'ebé lori Ita-nia apóstolu na'in tolu iha foho atu tulun sira fiar

Hotu KONFIRMA AMI-NIA FIAR

L. Na'i, Ita ne'ebé hatudu Ita-nia glória atu nune'e sira hetan iha Ita kbiit atu hasoru ho fiar Ita-nia terus no mate

Hotu KONFIRMA AMI-NIA FIAR

L. Na'i. Ita ne'ebé Aman apresenta nu'udar Oan ne'ebé ami tenke rona atu hetan moris ne'ebé ita oferese ba ema hotu

Hotu KONFIRMA AMI-NIA FIAR

Knananuk

Estasaun datoluk no Domingu datoluk

Ai-figeira ne'ebé la fó fuan

G/A. Aman santu no laran-sadia,
ne'ebé la husik Ita-nia oan sira
no hatudu ba sira Ita-nia naran,
harahun ami-nia neon no fuan toos,
atu ami hatene simu
ho labarik sira-nia simplisidade Ita-nia hanorin sira,
no fó fuan loos no konversaun kontínua.
Hodi Kristu ami Na'i.

RONA LIAFUAN

Husi Evanjellu Lucas nian

«Nia dehan tan aiknanoik ida ne'e: "Ema ida kuda tiha ai figueira ida iha nia to'os. Loron ida nia ba buka nia ai-fuan, maibé la hetan. Tan ne'e, nia hateten ba to'os atan: 'Tinan tolu ona ha'u mai buka ai-fuan iha ai-hun ne'e, maibé la hetan ida. Tesi tiha nia! Tansa nia susu leet rai bokur?' Maibé to'os atan hatán: 'Na'i, husik nia tinan ida ne'e tan, atu ha'u bele ke'e rai hadulas nia hun hodi tau mos rai metan. Tinan mai nia sei fo fuan karik, diak; lae karik, mak sei tesi tiha nia'».

REFLESAUN

Aman santu no laran-sadia... nune'e mak orasaun ne'e hahú ne'ebé liturjia eduka ami atu moris, aleinde reza.

Ami presiza atu hatene katak Ita-nia santidade la dook ka kontráriu ba Ita-nia laran-sadia. Ami presiza apresia jestu sira ne'ebé fó konfiansa, ne'ebé oferese esperansa no forsa atu labele para atu hateke ba Páskua nu'udar ami-nia finalidade atu hafoun ami-nia moris, bainhira ami oferese ba Ita fuan sira konversaun loos nian no haksolok ho Ita no Kreda ba aIta-nia noa ami-nia moris-hi'as.

ORASAUN

L. Na'i, Ita ne'ebé hatudu Ita-nia domin nia kbiit atu haboot ami-nia esperansa

Hotu SADIA AMI

L. Na'i, Ita ne'ebé la husik ami iha buat aat no Ita-nia funu-balu nia kbiit

Hotu SADIA AMI

L. Na'i, ita ne'ebé harahu ami nia neon no fuan toos atu halo sai nakloke ba Evanjellu

Hotu SADIA AMI

Knananuk

Estasaun dahaat no Domingu dahaat

Aman mizerikordiozu

G/A. Aman Maromak, di'ak no boot iha perdaun,

simu iha Ita-nia domin,
oan sira hotu ne'ebé fila hikas ba Ita ho arrendimentu;
hatais sira ho unuk salvasaun nian,
atu sira bele koko Ita-nia ksolok
iha festa Páskua Bibi-Oan nian.

RONA LIAFUAN

Husi Evanjellu Lucas nian

«Nahas tiha nia sasan tomak, rai ne'ebá hamlaha boot. Nia mos hahu hetan susar. Tan ne'e nia ba serbisu ba ema rai na'in ida, ne'ebé haruka nia ba hein fahi iha nia to'os. Nia kaan atu han ai-fuan ne'ebé fahi sira han, maibé ema ida la husik.

Nia sei dook hela, nia aman haree ona nia, hanoin teb-tebes nia, hodi halai ba hasoru nia, hakoak no rei nia. Nia dehan: 'Aman, ha'u sala duni hasoru lalehan no mos hasoru ita; ha'u la soi ona atu ita haree ha'u nu'udar oan.' Maibé aman ne'e dehan ba nia atan sira: 'Lori mai lalais unuk furak liu, hodi fo hatais nia; tau kadeli ba nia liman, sapatu ba nia ain. Lori mai karau oan bokur ida atu oho. Ita sei han hemu hodi halo festa. Basa ha'u nia oan ida ne'e mate tiha, maibé moris fali; nia lakon tiha, maibé hetan fali.' No sira hahu halo festa».

REFLESAUN

Aman di'ak no boot iha perdaun ami mós hanesan oan ne'ebé Jezús ko'alia iha ai-kanoik: ami iha dalan ida lahó saida, blokadu no ta'uk iha rai-kuak naruk... iha ami-nia oin iha de'it buat aat, mamuk, terus.

Aman di'ak no boot iha perdaun, ami presiza sente ita nia hakohak domin nian nu'udar mane no fetu ne'ebé sente mak salan nia todan, maibé liuliu laran-metin iha perdaun; nu'udar ida-ne'ebé monu iha rai maibé hatene katak bele hamri'ik basá Ita-nia liman Aman nian tahan no fó kbiit, lolo to'o nia no foti nia atu halo nia koko ai-han ne'ebé prepara ona mai ami no ba oan hotu iha festa vitória domin nian hasoru ódiu, makso'in nian hasoru salan, salvasaun nian hasoru dezesperu.

ORASAUN

L. Na'i, Ita ne'ebé ko'alia nafatin mai ami kona-ba Aman nia domin

Hotu TAHAN AMI IHA AMI-NIA DALAN

L. Na'i, Ita ne'ebé fo kbiit mai ami atu hadoo an husi ami salan nune'e la'o iha dalan ksolok nian

Hotu TAHAN AMI IHA AMI-NIA DALAN

L. Na'i, Ita ne'ebé fó hanoin mai ami no fó sai kona-ba festa ne'ebé Maromak prepara ona iha uma ne'ebé sei hakonu ho ami-nia knananuk hahí nian

Hotu TAHAN AMI IHA AMI-NIA DALAN

Knananuk

Estasaun dalimak no domingu dalimak

Perdaun ba fetu adúltera

G/A. Maromak laran-di'ak nian,
 ne'ebé iha Kristu hafoun buat hotu,
 iha Ita-nia oin iha ami-nia moris susar:
 Ita ne'ebé haruk mai ami Ita-nia Oan Mane Mesak
 la'ós atu kondena,
 maibé atu salva mundu,
 perdua ami nia salan hotu
 no halo atu buras iha ami-nia fuan
 knananuk gratidaun no ksolok nian.

RONA LIAFUAN

Husi Evanjellu João nian

«Iha tempu ne'eb'a sira lori feto ida ne'ebé ema toman halo sala ho mane seluk. Sira tau feto ne'e iha klaran, hodi dehan ba Jezús: "Mestre, ema toman feto ne'e halo sala ho mane seluk. Tuir ukunfuan, Moises haruka ita atu tuda mate feto sira hanesan ne'e. O dehan sa los? Sira husik nia mesak ho feto ne'ebé hamriik iha nia oin. Foti matan, Jezús dehan ba nia: "Feto, sira hotu ba ne'ebé? Ema ida la tesi lia ba o?" Nia hatan: "La iha, Na'i." Jezús koaliala fali hodi dehan ba nia: "Ha'u mos la tesi lia hasouru o; la'o ona ba, no keta sala tan"».

REFLESAUN

Maromak laran-di'ak, nune'e mak ami invoka Ita, hodi rekoñese ami-nia an iha figura feto ne'ebé la fiél; mesak iha Kristu nia oin, ne'ebé manifesta no atua ita-nia mizerikórdia laho limite; konxiente kona-ba ami-nia salan maibé konxiente liután katak Ita-nia mozerikórdia hakat liu salan hotu. Ita. Oh Maromak, haruka Oan Mane la'ós atu kondena, maibé atu salva mundu; la'ós atu imprime iha fatuk liafuan kondenasaun nian, maibé kari sai rai-rahun ne'ebé hela iha ami-nia salan nia ain-fatin.

Hanesan feto ne'e, ami ida-idak rekoñese katak ami merese kondenasaun, maibé hetan possibilidade foun: fini wain perdaun nian atu kuda iha rai moris nian, atu hela dook husi aat no fó perdaun ho sasukat hanesan ho ida ne'ebé ami hakarka husi Ita no husi maun-alin sira.

Liman sira kumu metin fatuk, oras ne'e soe, no loke atu buka liman seluk no atu kaer hodi rekoñese katak ami hotu hanesan foer ho salan, maibé liuliu fase ho Ita-nia Kristu nia raan, raan glória nian tanba ne'e mak ami hasae knananuk agradesimentu no ksolok nian.

ORASAUN

L. Na'i, Ita ne'ebé dehan mai ami: "Imi ida ne'ebé la iha sala nia mak tuda uluk fatuk"...

Hotu SIMU AMI-NIA HAHÍ

L. Na'i, ne'ebé hela mesak ho feto, iha enkontru entre mizéria no Mizerikórdia, entre fragilidade no kbiit salvasaun Maromak nian

Hotu SIMU AMI-NIA HAHÍ

L. Na'i, Ita ne'eb'e iha feto nia oin fó sai Ita-nia liafuan tesi-lia definitiva: «Ha'u mós la kondena ó; la'o bá hori ohin ba oin keta sala tan ».

Hotu SIMU AMI-NIA HAHÍ

Ami Aman, Ave, Glória atu manán induljénsia

RENOVASAUN PROMESA BATIZMU

G/A. Jestu ida-ne'e ita sei halo iha kalan Páskua; maibé ita antisipa no prepara mós iha dalan kuarezmál ida-ne'e no ho modu partikulár iha devosaun piedoza Via-Sakra nian, Jeús nia Dalan... no ema ida-idak nia dalan. Tuir Jezús nia dalan signifika hili ho Nia, atu hadook an husi aat no la'o ba salvasaun. Iha renovasaun promesa batizmál ita simu bolun atu dehan ita hamriik iha parte ida-ne'ebé:

G/A. Maun-alin doben sira, liuhusi Batizmu ita hola parte iha Kristu nia mistériu paskál, hakoi ho Nia iha mate, atu moris hi'as ho Nia ba moris foun. Oras ne'e, iha dalan penitensiál Kuareзма nian, ita hafoun promesa sira ita-nia Batizmu nian, ne'ebé hodi nia ita hakribi Satanás no ninia hahalok sira no haka'as an atu serví Maromak ho fidelidade iha Santa Igreja Katólíka.

G/A. Imi hakribi salan, atu moris iha liberdade Maromka nia oan sira-nian?

Hotu HA'U HAKRIBI.

G/A. Imi hakribi aat hotu nia babeur, atu keta husik salan domina imi?

Hotu HA'U HAKRIBI.

G/A. Imi hakribi Satanás, hun no kauza salan hotu nian?

Hotu HA'U HAKRIBI.

G/A. Imi fian Maromak, Aman bele hotu-hotu, Kriadór lalehan no rai nian?

Hotu HA'U FIAR.

G/A. Imi fiar Jesús Kristu, nia Oan-Mane mesak, ita Na'i, ne'ebé moris husi Mari aVirjen, mate no hakoi Nia, moris hi'as husi mate sira no hatuur An iha Aman nia kuana?

Hotu HA'U FIAR.

G/A. Imi fiar iha Espíritu Santu, santa Igreja Katólíka, komuñauñ santu sira-nian, perdua

ba salan sira, isin nia moris-hi'as no moris rohan-laek?

Hotu HA'U FIAR.

G/A. Maromak bele hotu-hotu, ita Na'i Jezús Kristu nia Aman, ne'ebé hasia ita husi salan no halo ita moris hikas husi bee no husi Espíritu Santu, hamahan ita ho ninia grasa iha Kristu Jezús ita Na'i, ba moris rohan-laek.

Hotu AMEN.

G/A. Maromak bele hotu-hotu Aman, Oan no Espíritu Santu haraik bengan no akompaña ita.

Amem.

Knananuk